

2022 оны 03 дугаар сарын 30-ны өдөр

## ЗӨВЛӨХИЙН ҮЙЛЧИЛГЭЭ ҮЗҮҮЛЭХ ХҮСЭЛТЭЙ ХУВЬ ХҮН/БАГ/ХУУЛИЙН ЭТГЭЭДЭД

Шинжээчээр хамтран ажиллах урилга хүргүүлэх тухай

Үндэсний аудитын газар нь “Төрийн болон орон нутгийн өмчит, өмчийн оролцоотой хуулийн этгээдийн үйл ажиллагааны үр ашиг” сэдэвт аудитад “Төрийн болон төрийн өмчийн оролцоотой хуулийн этгээдийн компанийн засаглалын үнэлгээг хийж, мэргэжлийн дүгнэлт гаргах” зорилгоор шинжээч сонгон шалгаруулж, зөвлөх үйлчилгээний гэрээ байгуулан хамтран ажиллахаар төлөвлөж байгаа тул зөвлөхийн үйлчилгээ үзүүлэх хүсэлтэй хувь хүн/баг, /хуулийн этгээдийг мэдүүлгээ ирүүлэхийг урьж байна.

Энэхүү үйл ажиллагаа нь Монгол Улсын Ерөнхий аудиторовын 2020 оны А/82 дугаар тушаалаар батлагдсан “Шинжээч сонгон шалгаруулах, гэрээ байгуулах, дүгнэх, гүйцэтгэсэн ажлын чанарыг хянах журам”-ын хүрээнд хэрэгжих болно.

Шинжээч нь аудитын горим хэрэгжүүлэх явцад төрийн болон орон нутгийн өмчит, өмчийн оролцоотой нийт 300 гаруй хуулийн этгээдээс санамсаргүй түүврээр сонгосон 15 этгээдийн компанийн засаглалд үнэлгээ хийж, мэргэжлийн дүгнэлт гаргах ажлыг ҮАГ-АД/22-001 дугаар ажлын даалгаврын дагуу 2022 оны 08 дугаар сарын 22-ны өдрийг хүртэл хугацаанд гүйцэтгэх ба дараах ажилбаруудыг гүйцэтгэж, аудитын талбарын болон тайлагналын үе шатанд аудитын багийг мэргэжил, арга зүйгээр ханган ажиллана. Үүнд:

1. Компанийн засаглалын үнэлгээний аргачлалыг холбогдох эрх зүйн актуудтай нийцүүлэн боловсруулах, аудитын багт үнэлгээний аргачлал, аргазүйн зөвлөгөө өгөх;

2. Гэрээгээр гүйцэтгэх Төрийн болон орон нутгийн өмчийн оролцоотой компанийн засаглалд үнэлгээ хийх, мэргэжлийн дүгнэлт гаргах;

2.1.Компанийн Сайн засаглалыг үнэлэх, мэргэжлийн дүгнэлт гаргах;

2.2.Хувьцаа эзэмшигчдийн эрх хөндөгдсөн эсэх, өмчлөлийн чиг үүргүүдийн ялгаатай байдал болон хувьцаа эзэмшигчдийн эрх тэгш хандах эсэхийг үнэлэх, мэргэжлийн дүгнэлт гаргах;

2.3.Оролцогч талуудтай харилцах харилцаа, ил тод байдлыг үнэлэх;

2.4.Компанийн үйл ажиллагаа, өмчлөл болон засаглалын мэдээллийг ил тод, үнэн зөв, нийтэд нээлттэй мэдээлсэн эсэхийг үнэлэх, мэргэжлийн дүгнэлт гаргах;

2.5.ТУЗ-ийн үйл ажиллагааны ил тод, хариуцлагатай, байдал, ТУЗ-ийн гишүүдийн томилгоо, үүрэг хариуцлага, оролцоог үнэлэх, мэргэжлийн дүгнэлт гаргах;

2.6.Гүйцэтгэх удирдлагын томилгоо, түүний тогтвортой байдлыг үнэлэх, мэргэжлийн дүгнэлт гаргах;

3. Компанийн хяналтын тогтолцоо, хяналтын үр нөлөөг үнэлэх, мэргэжлийн дүгнэлт гаргах;

Шинжээч нь ажлын даалгаварт тусгасан зорилгыг хэрэгжүүлэхдээ Төрийн аудитын стандарт, аудит хийх журам болон холбогдох хууль тогтоомж, дүрэм, журам, стандарт, зарчим, шаардлагыг мөрдлөг болгож, аудитын багаас гүйцэтгэлийн үе шатанд аудитад хамруулахаар сонгосон хуулийн этгээдийн компанийн засаглалын үнэлгээг мэргэжлийн өндөр түвшинд чанартай гүйцэтгэж, мэргэжлийн дүгнэлт гарган, үр дүнг тусгасан шинжээчийн тайланг бэлтгэнэ.

Шинжээчийн тайланд дүгнэлт гаргах явцад илэрсэн алдаа зөрчил, тэдгээрийн учир шалтгаан болон үр дагавар, эрсдэлд хийсэн дүн шинжилгээний үр дүнгээс гадна цаашид анхаарах асуудлын талаар бодлогын зөвлөмж, санал боловсруулж тусгана.

Шинжээч нь Үндэсний аудитын газартай гэрээ байгуулан ажиллах бөгөөд Аудитын гуравдугаар газрын аудитын багт мэргэжил арга зүйн дэмжлэг үзүүлэн хамтран ажиллаж, шинжээчийн тайлан болон хавсралтаар гаргасан судалгаа, тооцоолол, бусад нотлох

зүйлс, ажлын баримт материалыг цаасан болон цахим хэлбэрээр гэрээнд заасан хугацаанд аудитын багт хүлээлгэн өгнө.

Мэдүүлгээ ирүүлж буй этгээд нь дээрх зөвлөх үйлчилгээг гүйцэтгэхээ илэрхийлсэн албан хүсэлт болон компанийн засаглалын чиглэлээр сургалтад хамрагдсан гэрчилгээ ирүүлэхээс гадна дараах мэдээллийг ирүүлнэ. Үүнд:

- Улсын бүртгэлийн гэрчилгээний хуулбар;
- Татварын өргүй тухай тодорхойлолт/цахимаас татан авсан/;
- Нийгмийн даатгалын шимтгэлийн өргүй тодорхойлолт/цахимаас татан авсан/;
- Шүүхийн төрөлжсөн архивын тодорхойлолт;
- Гүйцэтгэсэн ижил төстэй зөвлөх үйлчилгээний мэдээлэл сүүлийн 3 жилээр  
/2019,2020,2021 он/;
- Ажилтны анкет, боловсрол, мэргэшлийн гэрчилгээний хуулбар;
- Ажилтны нийгмийн даатгалын цахим лавлагаа /сүүлийн 1 жилээр/;
- Сүүлийн 2 жилийн санхүүгийн тайлан, аудитын дүгнэлтийн хамт /2020, 2021 он/

**Хувь хүн/баг бол:**

- Иргэний үнэмлэхийн хуулбар;
- Анкет /CV/;
- Боловсрол, мэргэшлийн болон компанийн засаглалын чиглэлээр сургалтад гэрчилгээний хуулбар;
- Гүйцэтгэсэн ижил төстэй зөвлөх үйлчилгээний мэдээлэл /сүүлийн 3 жилээр/;
- Багийн хувьд гишүүдийн хамтран ажиллах гэрээ /нотариатаар баталгаажуулсан/:

Төрийн болон орон нутгийн өмчийн тухай хууль, Компанийн тухай хууль болон салбарын бусад хуулийн хүрээнд компанийн засаглалд үнэлгээ хийж, дүгнэлт гаргах эрх бүхий, мэргэшсэн, энэ чиглэлээр дүгнэлт гаргаж байсан ажлын дадлага, туршлагатай иргэн, хуулийн этгээд, баг байна.

Шинжээч нь хууль тогтоомжид нийцсэн шаардлагын дагуу ашиг сонирхлын зөрчилгүй гэдгээ бүрэн илэрхийлсэн мэдэгдлийг гаргаж, албан үүрэгт хөндлөнгөөс нөлөөлөх байдал үүсвэл эрх бүхий албан тушаалтанд нэн даруй мэдэгдэх бөгөөд Үндэсний аудитын газартай нэгдмэл сонирхолтойгоор хамтран ажиллах ба аудитын явцад олж авсан болон мэдсэн төр, байгууллага, хувь хүний нууцад хамаарах мэдээллийн нууцлалыг хадгалах ба гэрээгээр тохиролцсон ажилд оролцож дүгнэлт гаргах үйлчилгээ үзүүлэхдээ мэргэжлийн болон ёс зүйн өндөр түвшинд шударгаар ажиллаж, төрийн аудитын байгууллагын ажилтны ёс зүйн дүрмийг нэгэн адил даган мөрдөж ажиллана.

Шинжээчид тавигдах шаардлага, ажлын туршлага:

- Ажлын даалгаварт заасан ажлын зорилго, гүйцэтгэх ажил, үүргийн хүрээнд олон улсын мэргэжлийн байгууллага (IFC, USAID, ADB)-тай хамтран ажиллаж байсан туршлагатай;

- Гадаадын хөрөнгө оруулалттай компани, банк, бизнесийн байгууллагууд, төрийн болон орон нутгийн өмчит, өмчийн оролцоотой хуулийн этгээдийн компанийн засаглал, комплайнсын мэргэжлийн ур чадвартай, ажлын туршлагатай;

- Холбогдох салбарын эрдэмтэн, судлаачтай хамтран компанийн засаглалын судалгаа, үнэлгээг хийсэн туршлагатай;

- Төрийн болон орон нутгийн өмчит, өмчийн оролцоотой хуулийн этгээдийн төлөөлөн удирдах зөвлөл, гүйцэтгэх удирдлагаар ажиллаж байгаагүй, хуулийн этгээдтэй ашиг сонирхлын зөрчилгүй, хамааралгүй байх;

- Хуулийн этгээдийн боловсон хүчний тоо 5 буюу түүнээс дээш байх.

Ажиллах хүчний шаардлага:

- Боловсон хүчин нь нийгмийн болон байгалийн шинжлэх ухааны чиглэлээр магистр ба түүнээс дээш зэрэгтэй, тухайлсан салбарын чиглэлээр мэргэшсэн байх;
- Төрийн өмчийн болон орон нутгийн өмчит, өмчийн оролцоотой хуулийн этгээдэд компанийн засаглалын үнэлгээний аргачлалыг салбарын онцлогт нийцүүлэн боловсруулж, засаглалын үнэлгээг хийж, мэргэжлийн дүгнэлт гаргаж байсан туршлагатай бол давуу тал болно.
- Ашиг сонирхлын зөрчилгүй тухай мэдэгдлийг гаргасан байх.

Сонирхсон этгээд нь холбогдох мэдээллийг 2022 оны 04 дүгээр сарын 05-ны өдрийн 15 цаг 00 минутаас өмнө авч болох бөгөөд мэдүүлгээ 2022 оны 04 дүгээр сарын 05-ны өдрийн 15 цаг 10 минутын дотор цахим хаягаар [/tsend-ayushn@audit.gov.mn](mailto:tsend-ayushn@audit.gov.mn), [info@audit.gov.mn/](mailto:info@audit.gov.mn) pdf файл хэлбэрээр ирүүлнэ үү. Хариуцсан ажилтан: Үндэсний аудитын газрын Санхүү, хөрөнгө оруулалтын хэлтсийн Худалдан авах үйл ажиллагаа хариуцсан шинжээч Н.Цэнд-Аюуш. Гар утас: 88051068

Захиалагчийн хаяг: 15160 Улаанбаатар хот, Чингэлтэй дүүрэг, Бага тойруу-3,  
Засгийн газрын IV байр, 409 тоот өрөө. Үндэсний Аудитын газар. Утас: 51-26 35 33.  
[www.audit.mn.](http://www.audit.mn)